

西南文學文獻

第十三卷

中國西南文獻叢書

中國西南文獻叢書
卷第十三
華夏書局編印

920107

L209.97/1.13

104:16

中國西南文獻叢書·第六輯

西南文學文獻

第十三卷



701080
本輯主編：徐希平

田耕宇

副主編：肖燕

鄭慧珍

葉南

編撰：王永波

陳堯

邢金良

劉浪

徐立昕

鄧潔

林洪濤

李廣科

艾晶

張麗豐

本卷目錄

澹齋集 下 〔南宋〕李流謙撰…………… 一

【南宋】李流謙 撰

澹齋集

下

《澹齋集》，別集類，南宋李流謙撰。流謙字無變，漢州德陽人，以文學知名，官雅州教授，虞允文宣撫全蜀，置之幕下，頗有贊劃，終通判潼州府事。其文集《宋詩·藝文志》無載，焦竑《國史·經籍志》、黃虞稷《千頃堂書目》俱載有《澹齋集》八十一卷，后散佚不聞。四庫館臣據《永樂大典》輯編爲十八卷，詩八卷，文十卷，后附流謙行狀及子廉、渠刊集原跋。今用文淵閣《四庫全書》影印，原書版心高二十二點三分，寬十五點三分。

欽定四庫全書

澹齋集卷六

宋 李流謙 撰

七言律詩

杜少陵祠

赤紱銀章玉骨寒
焚香再拜淚沈瀾
黃花郾縣仍羞見
好月鄜州只獨看
可是一生長客路
故應千古恨儒官
蚤知涉世元如此
悔不霜林斫釣竿

草堂

沉花溪上得閒來
石刻摩挲病眼開
短策多時臨水立
紅塵半路與風回
乞靈伎薄哀為帶
驚世名言海納盃
相對只今真夢寐
數椽茅屋老蒼苔

宿魏城驛用羅江東韻懷李仲明

昔年漂泊記曾游
碧樹蟬聲又帶秋
滑滑泥行青嶂路
翩翩風倚夕陽樓
人誇馴雉碑猶在
書託文鱗水漫流
天遣此來相近傍
伴君牢落向邊州

題重興寺

陌上橫流浸作泥行人步穩方一移春雲將雨遶山去
社燕營巢貼地飛慙僕且須投古寺閒懷猶喜論禪機
中宵暫起胡床念回首家山幾日歸

游龍角山福志院

招提未到只聞名乘興來游意最真出郭都無三十里
同行恰有兩三人入門竹籥能明眼隨處禪房可著身
莫怪山僧拙言語十年已不踏紅塵

忠州

井邑雲根一聚村
尋詩來掃壁間塵
此州惟有斷頭將
聖世初無弃梗人
楓葉晚林終日醉
梅花臘嶠幾時春
不愁過客當年淚
尊酒黃堂是舊隣

自三池一日過靈池十五里頭宿山陰盡矣

隴頭停轡望龜城
元有夷途似掌平
厭把五更供客夢
猛將一日了山程
樹連新綠千林暗
日轉斜紅半野明
稚子別來應念我
候門深喜馬蹄聲

抵簡池呈元質進孺二首

持此迂愚漫浪身
忽慙一出竟何營
枕邊客意兼寒意
門外溪聲似雨聲
易辨蓬蒿三畝宅
可無藜藿一杯羹
青衫豈是官人樣
白鳥私憂說敗盟

竹生稚子鶴生雛
重到君家舊隱居
病後苦無多酌酒
別來唯有自鈔書
身方逐食從飄蕩
學久師心恐闊疎
慚愧故人相念意
欲行爲我少躊躇

呈德茂

德茂是日
收家信

秋入羈懷勞我思
愁兼歸夢到家遲
有人來得平安字

無事編成酬唱詩
相伴幾經江月照
同行更賞峽山奇
祇應便把州麾去
還有三年不見時

十月十五日同黃大博出城

休沐來尋九里松
故因晴日覺春容
寒餘淺水紅衣盡
淡抹輕烟紫翠重
倦向山僧談白葉
歸從逋客醉黃封
塵埃眯目成深省
何處招提鳴曉鐘

送張仲山守唐安二首

六十專城髮未斑
更於何地覓三山
不妨談笑催科裏

正賴清涼熱惱間
到日紅梅留臘在
公餘翠杓酌春慳

胡床有月堪乘興
客到南樓不下關

客謂所薦士也

南浦波輕草色微
寒驢遺路獨依依
暖風旌旆春隨去
細雨犁鉏麥正肥
驛騎蚤聞催迅召
邊屯猶未解重圍
謝家父子名江左
折屐行看破賊歸

送崔子淵祕丞出守小鹽二首

齊魯山下識君初
宜但聲華在石渠
海上三山元咫尺
人生五馬少躊躇
鼎鍾事業那能克
丘壑情懷自覺疎

安得一帆相逐去故園春雨長新蔬

晉公幕府總豪英未至非才愧長卿已去化爐金尚躍
更分客袂涕空橫早催劍棧迎千騎更借湖山勸一觥
水自嘉陵流到海尺書應有故人情

送孫賓老守三池二首

自歎心田歲自收天翁兩眼月臨秋近臣薦鴟方成表
吉夢逢刀遂得州吏術無多非問馬機心已盡不驚鷗
三溪便是桃源路更欲武陵何處求

百萬貔貅尚枕戈將軍未復舊山河非干使者徵求急
正柰窮邊餉輓何頗願有言先收養不妨自署拙催科
公餘儻暇尋遺事塵鎖荒祠望刮摩

送魏德源守普慈二首

一毫不露見全身德規微符捷若神嵩岱自高元地勢
球琳非琢本天真出山聊作無心潤著物應名有脚春
喚作使君猶未解豈知游戲兩朱輪

東梓名州最普州墓廬相望氣橫秋青衿胄子迎高朕

竹馬兒童識細侯，只有愛民心尚在。可能憂國淚空流，
摩挲疲瘵無多事。綠野家家創換牛。

送黃仲秉侍郎出守鎮江

十年朝露厭鳴珂，華髮蕭蕭奈倦何。鸞翮九霄穿日月，
龍驤萬斛飽風波。古人不見吾猶夢，直道能行恨亦多。
駟馬錦衣兒輩事，只須持此答岷峨。

遙看北固海門秋，千騎東方占上頭。去國尚多憂國淚，
送君那免別君愁。風遲宴閣清香凝，月滿飛零晚穠收。

北府名構天下說亦知能到故人不

次黃仲甄峽中韻

九江度盡惡風波峽口窺天一握多亦愛吾廬覺歸好
數來此險奈親何誓迎濤瀨將愁上青惜峯巒等夢過
不管行人聽不得暝猿和雨嘯雲蘿

十月二十五日失舟

船頭飽飯看揚舠忽作翻漿不反瓶萬死一生真是幸
九江三峽未曾經尚收弃物乾坤大薄恃陰功祖考靈